



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03, 34/03 i 65/13), a u vezi sa čl. 5. i 6. Zakona o organizaciji penzijskog i invalidskog osiguranja Federacije Bosne i Hercegovine ("Službene novine Federacije Bosne i Hercegovine" br. 49/00, 32/01 i 18/05), Odluke Vlade Federacije Bosne i Hercegovine o kriterijima za imenovanje članova Upravnog odbora Federalnog zavoda za penzijsko i invalidsko osiguranje V. broj: 934/2017 od 07.07.2017. godine ("Službene novine Federacije Bosne i Hercegovine", broj: 53/17) i Zaključka Vlade Federacije Bosne i Hercegovine V. broj: 935/17 od 07.07.2017. godine, ministrica za rad, socijalnu politiku, raseljena lica i izbjeglice Kantona Sarajevo raspisuje

O G L A S

za nominiranje/imenovanje kandidata na poziciju člana Upravnog odbora Federalnog zavoda za penzijsko i invalidsko osiguranje ispred Vlade Kantona Sarajevo

Oglašava se pozicija u Federalnom zavodu za penzijsko i invalidsko osiguranje:

- Član Upravnog odbora 1 član

Opis pozicije: Zajedno sa ostalim članovima Upravnog odbora vrši slijedeće poslove od značaja za oblast penzijskog i invalidskog osiguranja: donosi Statut i druge opće akte Federalnog zavoda; donosi finansijski plan, usvaja godišnji obračun i izvještaj o radu Federalnog zavoda; utvrđuje stope doprinosa u okviru ovlaštenja iz Zakona o penzijskom i invalidskom osiguranju, u pogledu penzijskog i invalidskog osiguranja uz saglasnost Vlade Federacije; utvrđuje osnovice za obračun i uplatu doprinosa koji nisu propisani Zakonom o doprinosima i Zakonom o penzijskom i invalidskom osiguranju; imenuje i razrješava direktora i zamjenika direktora Središnje i kantonalnih službi; imenuje komisije i druga radna tijela Upravnog odbora; uređuje organizaciju Središnje i kantonalnih službi, sistematizaciju poslova i broj izvršilaca poslova u tim službama; stara se o blagovremenom pritanju sredstava za penzijsko i invalidsko osiguranje; ima odgovornost da održi fiskalni balans i ne dozvoli stvaranje obaveza prema korisnicima bilo novčanih ili u vidu vrijedonosnih papira koje ne može pokriti iz prihoda; zaključuje po potrebi ugovore sa nosiocima penzijskog i invalidskog osiguranja Republike Srpske; vrši i druge poslove u skladu sa Zakonom, Statutom i drugim opštim aktima Federalnog zavoda.

Član Upravnog odbora imenuje se na period od dvije godine.

Za člana Upravnog odbora može biti izabran kandidat koji ispunjava slijedeće opšte uslove:

- da je državljanin Bosne i Hercegovine (dokaz: Uvjerenje o državljanstvu ne starije od šest mjeseci),
- da je stariji od 18 godina (dokaz: Izvod iz matične knjige rođenih),
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja upražnjene pozicije (dokaz: Izjava ovjerena od nadležnog organa ne starija od šest mjeseci),
- da nije obuhvaćen odredbama člana IX.1. Ustava Bosne i Hercegovine (dokaz: Izjava ovjerena od nadležnog organa ne starija od šest mjeseci),
- da nije izabrani stranački zvaničnik, nosilac javne funkcije, savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08), (dokaz: Izjava ovjerena od nadležnog organa ne starija od šest mjeseci).

Pored opštih uslova kandidat za člana Upravnog odbora mora ispunjavati i slijedeće posebne uslove:

- da posjeduje univerzitetsku diplomu (VII stepen), odnosno visoko obrazovanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja (dokaz: Diploma o završenoj školi),
- da u pogledu radnog iskustva ima najmanje 5 (pet) godina radnog staža – staža osiguranja na poslovima visoke stručne spreme, po sticanju fakultetske diplome,
- značajno radno iskustvo u oblasti javnih finansija, posebno u oblasti penzijskog i invalidskog osiguranja (dokaz: potvrda o radnom iskustvu u oblasti javnih finansija),
- da nema privatni finansijski interes u Federalnom zavodu za penzijsko i invalidsko osiguranje u čiji se Upravni odbor kandiduje (dokaz: Izjava ovjerena od nadležnog organa ne starija od šest mjeseci),
- da nije predsjednik ili član nadzornog ili upravnog odbora u drugom pravnom licu sa većinskim državnim kapitalom (dokaz: Izjava ovjerena od nadležnog organa ne starija od šest mjeseci),

Prilikom procjene kvalifikacije i iskustva u obzir će se uzeti i slijedeći kriteriji, a koji će se izraziti u bodovima od 1 – 5:

- rezultati ostvareni u dosadašnjem radu,
- sposobnost upravljanja finansijskim sredstvima i ljudskim resursima,
- sklonost prema timskom radu,
- komunikacijske i organizacijske sposobnosti.

Kandidat je dužan uz prijavu na Oglas, koja sadrži kraću biografiju, adresu i kontakt telefon, priložiti originalne dokumente ili ovjerene kopije dokumenata kojima se dokazuje ispunjavanje opštih i posebnih uslova traženih Oglasom.

Oglas će biti objavljen u “Službenim novinama Federacije Bosne i Hercegovine”, Dnevnom listu "Dnevni avaz" i na web stranici Kantona Sarajevo.

Prijave se podnose Vladi Kantona Sarajevo putem Ministarstva za rad, socijalnu politiku, raseljena lica i izbjeglice Kantona Sarajevo, na adresu: Sarajevo, ul. Reisa Džemaludina Čauševića broj 1., prizemlje (pisarnica) uz naznaku: „Učešće na Oglasu za člana Upravnog odbora Federalnog zavoda za penzijsko i invalidsko osiguranje“.

Rok za podnošenje prijave je 15 (petnaest) dana od dana posljednjeg objavljivanja.

Neblagovremene prijave neće se uzeti u razmatranje, a kandidati koji dostave nepotpune i neuredne prijave neće biti pozvani na intervju.

Svi kandidati koji budu stavljeni na listu sa užim izborom biće pozvani na intervju pred Komisijom za izbor koju imenuje Vlada Kantona Sarajevo.

Kandidati koje nakon intervjua predloži Komisija za izbor smatrat će se da su najuspješnije prošli otvorenu konkurenciju.

Nominiranje/imenovanje kandidata za člana Upravnog odbora izvršit će Vlada Kantona Sarajevo na osnovu sastavljene liste povoljno ocijenjenih kandidata, a člana Upravnog odbora konačno će imenovati Vlada Federacije Bosne i Hercegovine.

MINISTRIČA

Amela Dautbegović



web: <http://mrsri.ks.gov.ba>
e-mail: mrsri.mrsri@ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1

